



佛說無常經

附 臨終三大要
人生之最后

浙江省蒼南縣礬山鎮蓮華寺 印贈
上海一福院佛教居士安養部

佛說無常經

浙江省蒼南縣礬山鎮蓮華寺
上海一福院佛教居士安養部

印贈

南無阿彌陀佛



南無藥師琉璃光如來佛



南 無 阿 彌 陀 佛



地藏王菩薩



印贈〈佛說無常經〉〈慈雲橋〉〈聖嚴法師〉緣起

自文革后黨的宗教政策開始落實，礬山蓮華寺朱善鑠等居士即在簡陋條件下油印法寶結緣。隨着宗教政策進一步落實，應各方所需，礬山蓮華寺與上海市一福院佛教居士安養部聯合印贈美國宣化上人講的〈開示錄選集〉〈法華經淺釋〉、〈金剛經地藏經淺釋〉、〈楞嚴經淺釋〉等法寶。這一切都承各地師友大力鼎助，才能普作供養、廣結法緣。功德不可思議，謹此由衷致謝！

鑒于法寶流通工作已在全國蓬勃開展，佛教書刊如雨後春筍般百方湧出。因此蓮華寺與安養部聯合印贈工作亦暫告段落。為昭因果，茲將屢集余款（包括銀行息金及印刷廠因質量問題退賠款）計27047.49元，加上近月寄往蓮華寺朱善鑠處3121元（其中瑞安市了證師等2000元，福建三明余世涂居士經手1021元，昆明李裕瓊100元）總計30168.49元。特再印贈〈佛說無常經〉、〈慈雲橋〉、〈聖嚴法師〉三書。各五千冊，廣為供養結緣以圓滿功德。

阿彌陀佛！

浙江省蒼南縣礬山鎮蓮華寺 敬誌
上海一福院佛教居士安養部

一九九四年九月

迴向偈

以此功德力

諸佛加持力

及以法界力

普願諸衆生

除一切不祥

生一切福德

滅一切罪障

印施持誦者

悉皆獲安樂

唯有佛菩提

是真歸依處

依經我略說

智者善應思

佛說無常經序

庚申之夏，余居錢塘玉泉龕舍，習根本說一切有部律。有誦三啓

無常經之事數則。

根本薩婆多部律攝卷第七云：佛言：若苾芻來及五時者，應與利分。云何爲五、一打撻椎時、二誦三啓無常經時、三禮制底時、

四行籌時、五作白時。其餘數則、分註下文。

又閱義淨南海寄歸內法傳載誦三啓無常經

之儀至詳。

南海寄歸內法傳云：神州之地、自古相傳、但知禮佛題名、多不稱揚讚德。何者、聞名但聽其名、罔識智之高下。讚歎具陳其德、乃體德之弘深。卽如西

方、制底畔睇、及常途禮敬、每於晡後、或曠黃時、大眾出門、繞塔三匝、香華具設、並悉踰蹠、令其能者、作哀雅聲、明徹雄朗、讚大師德、或十頌、或二十頌、次第還入寺中、至常集處、旣其坐定、令一經師、昇師子座、讀誦少經。其師子座、在上座頭。量處度宜、亦不高大。所誦之經多誦三啓。乃是尊者馬鳴之所集置。初可十頌許。取經意而讚歎三尊。次述正經。是佛親說。讀誦旣了、更陳十餘頌。論迴向發願。節段三開、故云三啓。經了之時、大眾皆云蘇婆師多。蘇卽是妙。婆師多是語。意欲讚經是微妙語。或云娑婆度。義目善哉。經師方下。上座先起、禮師子座。修敬旣訖、次禮聖僧座。還居本處。第二上座、准前禮二處已、次禮上座、方居自位而坐。第三上座、准次同然。迄乎衆末。若其衆大、過三五人、餘皆一時望衆起禮、隨情而去。斯法乃是東聖方耽摩立底國僧徒軌式。

因以知是經爲佛世諸大弟子所習誦者。或

以是爲日課焉。經譯於唐。其時流傳未廣。誦者蓋罕。

日本沙門最澄顯戒論、開示大唐

貢名出家不欺府官明據五十一、載有當院行者趙元及、年三十五、貫京兆府雲陽縣龍雲鄉修德里、父貞觀爲戶身無籍、誦無常經一卷等。宋元以來、殆無

道及之者。余懼其湮沒不傳、致書善友丁居士、勸請流通。居士讚

喜、屬爲之序。竊謂是經流通於世、其利最普、願畧述之。經中數說

老病死三種法、不可愛、不光澤、不可念、不稱意。誦是經者、痛念無

常、精進嚮道。其利一。正經文字、不逾三百、益以偈頌、僅千數十。文

約義豐、便於持誦。其利二。佛許苾芻、唯誦是經、作吟詠聲。

根本說一切有

部毘奈耶雜事卷第四云、佛言、苾芻不應作吟詠聲、誦諸經法、及以讀經。請教白事。皆不應作。然有二事、作吟詠聲。一謂讚大師德。二謂誦三啓經。餘皆不合。

妙法

希有、梵音清遠、聞者喜樂。

根本說一切有部毘奈耶雜事卷第四云、是時善和苾芻、作吟詠聲、讚誦經法。其音清亮、上徹梵天。時有

無數衆生、聞其聲者、悉皆種種解脫分善根、乃至傍生稟識之類、聞彼聲者、無不攝耳、聽其妙音。後於異時、憍薩羅勝光大王、乘白蓮華象、與諸從者、於後夜時、有事出城、須詣餘處。

善和苾芻、於逝多林內、高聲誦經。于時象王、聞音愛樂、屬耳而聽、不肯前行。御者即便推鉤振足、象終不動。王告御者曰、可令象行。答言、大王、盡力驅前、不肯移足。未知此象意欲何之。王曰、放隨意去。彼卽縱鉤、使之給宛、於寺門外、攝耳聽聲。善和苾芻、誦經既了、便說四頌、而發願言、天阿蘇羅藥叉等、乃至隨所住處常安樂。時彼象王、聞斯頌已、知其經畢、卽便搖耳舉足而行。任彼驅馳、隨鉤而去。

其利三。此土葬儀誦經、未有成軌。佛世之制宜

誦是經。毘奈耶藏。

根本說一切有部毘奈耶雜事卷第十八云、佛言、苾芻身死、應爲供養。苾芻不知云何供養。佛言、應可焚燒。具壽鄒波離請世尊

曰、如佛所說、於此身中、有八萬戶蟲。如何得燒。佛言、此諸蟲類、人生隨生、若死隨死、此無有過。身有瘡者、觀察無蟲、方可燒殯。欲燒殯時、無柴可得。佛言、可棄河中。若無河者、穿地埋之。夏中地濕、多有蟲蟻。佛言、於叢薄深處、令其北首、右脇而臥、以草稭支頭、若草若葉、覆其身上。送喪苾芻、可令能者、誦三啓無常經、并說伽他、爲其咒願。

根本薩婆多部律攝卷第十二云、苾芻身死、應檢其屍。若無蟲者、以火焚燒。無暇燒者、應棄水中、或埋於地。若有蟲及天雨、應共輿棄空野林中、北首而臥、竹草支頭、以葉覆身、面向西望。當於殯處、誦無常經。復令能者、說咒願頌。喪事既訖、宜還本處。其捉屍者、連衣浴身。若不觸者、應洗手足。根本說一切有部毘奈耶卷第四十三云、出尊者屍、香湯洗浴、置寶罍中。奏衆伎樂、幢幡滿路、香煙遍空。王及大臣、傾城士女、從佛及僧、送諸城外。至一空處。積衆香木、灌灑蘇油、以火焚之。誦無常經畢、取舍利羅置金瓶內。於四衢路側、建窣堵波。種種香華、及衆音樂、莊嚴供養、昔未曾有。

本經附文及內法傳

南海寄歸內法傳云、然依佛教、苾芻亡者、觀知決死、當日昇向燒

處、尋卽以火焚之。當燒之時、親友咸萃。在一邊坐。或結草爲坐、或聚土作臺、或置輶石、以充坐物。令一能者、誦無常經、半紙一紙、勿令疲久。然後各念無常、還歸住處。皆

詳言之。其利四。斬伐草木、大師所呵。築室之需、是不獲已。依律所載、宜誦是經、并說十善、不廢營作、毋傷仁慈。

根本說一切有部毘奈耶卷第二十七云、佛告阿難陀、

營作苾芻、所有行法、我今說之。凡授事人、爲營作故、將伐樹時、於七八日前、在彼樹下、作曼荼羅、布列香花、設諸祭食、誦三啟經。者宿苾芻、應作特欸拏咒願、說十善道、讚歎善業。復應告語、若於此樹、舊住天神、應向餘處、別求居止。此樹今爲佛法僧寶、有所營作。過七八日已、應斬伐之。若伐樹時、有異相現者、應爲讚歎施捨功德、說慳貪過。若仍現異相者、卽不應伐。若無別相者、應可伐之。又根

本薩婆多部律攝卷第九所載者、與此略同。其利五。是經附文、臨終方訣、最爲

切要。修淨業者、所宜詳覽。若兼誦經、獲益彌廣。了知苦空無常。無我。方諸安養樂國、風鼓樂器、水注華間、所演法音、同斯微妙。其利六。生逢末法、去聖時遙。佛世芳規、未由承奉。幸有遺經、可資誦諷。每當日落黃昏、暮色蒼茫、抗聲哀吟、諷是經偈、逝多林

中、翠堵波畔、流風遺俗、彷彿遇之。其利七。是經之要、畧具於斯。惟願流通、普及含識。見者聞者、歡喜受持。共悟無常、同生極樂、廣度衆生、齊成佛道云爾。

是歲七月初二日大慈弘一沙門演音撰於新城貝多山中、時將築室掩關、鳩工伐木、先夕誦無常經、是日草此序文、求消罪業。

是日已過	如少水魚	當勤精進	但念無常
命亦隨滅	斯有何樂	如救頭然	慎勿放逸

佛說無常經

(亦名三啟經)

大唐三藏法師義淨奉制譯

稽首歸依無上士常起弘誓大悲心爲濟有情生死流
令得涅槃安隱處大捨防非忍無倦一心方便正慧力
自利利他悉圓滿故號調御天人師稽首歸依妙法藏
三四二五理圓明

三四者四念處四正勤四如意足也二五者五根五力也

七八能開四諦門

七謂七覺支八謂八正道合上文三四二五共爲三十七道品

修者咸到無爲岸法雲法雨潤群生

能除熱惱蠲衆病難化之徒使調順隨機引導非強力
稽首歸依眞聖衆八輩上人能離染金剛智杵破邪山

永斷無始相纏縛 始從鹿苑至雙林 隨佛一代弘真教
各稱本緣行化已 灰身滅智寂無生 稽首總敬三寶尊
是謂正因能普濟 生死迷愚鎮沈溺 咸令出離至菩提
生者皆歸死 容顏盡變衰 強力病所侵 無能免斯者
假使妙高山 劫盡皆壞散 大海深無底 亦復皆枯竭
大地及日月 時至皆歸盡 未曾有一事 不被無常吞
上至非想處 下至轉輪王 七寶鎮隨身 千子常圍遶
如其壽命盡 須臾不暫停 還漂死海中 隨緣受衆苦
循環三界內 猶如汲井輪 亦如蠶作繭 吐絲還自纏
無上諸世尊 獨覺聲聞衆 尚捨無常身 何況於凡夫